

Юбилейные даты

Ғылымның қара шаңырағы – ҚР ҰҒА 70 жыл

1946 жылы КСРО ҒА Қазақ филиалының негізінде Қазақ КСР Ғылым академиясы құрылып, 1 шілдеде оның алғашқы сессиясы ашылды. Мемлекет көлеміндегі ғылыми орталықтың құрылуы отандық ғылымның дамуына зор мүмкіндік жасады. Биыл осы Ғылым академиясының құрылғанына 70 жыл толып отыр.

2017 жылдың 22 ақпанында Абай атындағы Қазақ мемлекеттік академиялық опера және балет театрында ҚР Президенті, ҚР ҰҒА академигі Н.Ә. Назарбаевтың қатысуымен Қазақстан Республикасы Ұлттық ғылым академиясының 70-жылдық мерейтойына арналған Жалпы жиналысының салтанатты сессиясы өтті.

Мерекелік жиналыста ҚР ҰҒА президенті М.Ж.Жұрынов өзінің баяндамасында мемлекеттің қалыптасуы мен дамуындағы академияның рөлін атап өтіп, Елбасының халықаралық аренадағы беделіне және президенттің жүргізіп отырған саясатының маңыздылығына ерекше тоқталып өтті.

Сессияға ҰҒА академиктері мен мүше-корреспонденттері, шетелдік мүшелері, еліміздің зиялы қауымы, ғылыми зерттеу институттарының директорлары, жоғары оқу орындарының ректорлары, көрнекті қоғам және мәдениет қайраткерлері, «Ғылым ордасы» РМК қызметкерлері, шетелдік ғалымдар қатысты.

Қазақстан Республикасы Ұлттық ғылым академиясының 70-жылдығына орай Қазақстан Республикасы Президентінің архиві «Қазақстанның іргелі ғылымының қалыптасу тарихынан» атты құжаттық көрмесін ұйымдастырды. Осы шараны дайындау барысында Қазақстан ғылымының тарихы мұражайы қорынан мұражай қызметкерлері ҚР ҰҒА 70-жылдық мерейтойына орай жасаған фотокөрменің суреттері алынып, көрмеге қойылды.



Келесі күні ҚР ҰҒА президенті М.Ж.Жұрынов бірқатар ТМД мемлекеттерінің ғалымдарымен, оның ішінде Молдова Ғылым академиясының президенті Ғ.Ғ.Дука, Татарстан Ғылым академиясының президенті М.Х.Салахов, Украина ҰҒА вице-президенті В.Ғ.Кошечко және т.б.«Ғылым ордасы» РМК Қазақстан ғылымының тарихы музейіне келді. Музей меңгерушісі Назира Дүйсембаева қонақтарға желгі кезеңнен бүгінгі күнге дейінгі Қазақстан ғылымының даму кезеңдері жайлы айтып, музей экспозициясымен таныстырып өтті.



*А.Қ.Даулбаева, магистр,
Қазақстан ғылымының тарихы
музейінің ғылыми қызметкері*